

Thoma, Ludwig: Ja de sell, de i möcht (1894)

- 1 Ja de sell, de i möcht,
- 2 Waar ma heut no ganz g'recht,
- 3 Aba dös sell is a Frag,
- 4 Ob i 's moring, ja moring no mag.

- 5 Muaßt a 's fleißi oschaug'n,
- 6 Kunnt da leicht was net taug'n,
- 7 Kunnt di leicht was schiniern – – –
- 8 Drum muaß ma 's Diandl, ja 's Diandl probiern.

- 9 Ja a so muaß ma lebn!
- 10 An jed'n Deckel aufhebn,
- 11 A jede Schüssel neigspecht,
- 12 Ja wann ma 's allabest-allabest möcht.

(Textopus: Ja de sell, de i möcht. Abgerufen am 23.01.2026 von <https://www.textopus.de/poems/49577>)